

ქ. თბილისის მუნიციპალიტეტის მთაწმინდის რაიონის გამგეობა



გამარტივებული ელექტრონული ტენდერის საშუალებით
ქ. თბილისის მთაწმინდის რაიონის ტერიტორიაზე ხმელი, ზეხმელი და
ავარიული ხეების მოჭრის, სანიტარულ-ფორმირებადი მოჭრის, კუნძების
ამოძირკვის და მათი დამუშავება-გატანის მომსახურების
სახელმწიფო შესყიდვის

სატენდერო დოკუმენტაცია

ქ. თბილისი

2016 წელი

სარჩევი

1. ინსტრუქცია ტენდერში მონაწილეთათვის.....	3
2. ტექნიკური დოკუმენტაცია და დამატებითი მოთხოვნები	4
3. სახელმწიფო შესყიდვის შესახებ ხელშეკრულების პროექტი	7
4. დანართი N1 პრეტენდენტის რეკვიზიტები	13
5. დანართი N2 ფასების ცხრილი	14
6. დანართი N3 ინფორმაცია მატერიალურ-ტექნიკური ბაზის შესახებ	15
7. დანართი N4 ინფორმაცია პრეტენდენტის გამოცდილების თაობაზე	16

1. ინსტრუქცია ტენდერში მონაწილეობის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. შემსყიდველ ორგანიზაციაში წარმოსადგენი ყველა დოკუმენტის ნამდვილობაზე პასუხისმგებელია პრეტენდენტი.

1.5. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. სატენდერო დოკუმენტაციაში განსაზღვრულ შესასყიდ საქონელზე, სადაც მითითებული იქნება კონკრეტული სასაქონლო ნიშანი, მოდელი, წარმოშობის წყარო ან მწარმოებელი (ასეთის არსებობის შემთხვევაში) იგულისხმება „მსგავსი“ ან „ეკვივალენტური“.

1.7. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია ტენდერისთვის სტატუსის „წინადადებების მიღება დასრულებულია“ მინიჭებიდან არაუგვიანეს 3 სამუშაო დღეში პრეტენდენტისაგან მოითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნას სსიპ „ლევან სამხარაულის სახ. ექსპერტიზის ეროვნული ბიუროს“ ან აკრედიტაციის ეროვნულ ცენტრში აკრედიტებული სხვა პირის მიერ გაცემული შესაბამისი დასკვნა. ექსპერტიზის დასკვნის წარმოდგენლობა ან/და უარყოფითი დასკვნის წარმოდგენა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-12 მუხლის მე-11-მე-14 პუნქტებით განსაზღვრული წესები.

2. ტექნიკური დოკუმენტაცია და დამატებითი მოთხოვნები

2.1. შესყიდვის ობიექტის ტექნიკური პირობები და რაოდენობა:

2.1.1 შესყიდვის ობიექტია: ქ. თბილისის მთაწმინდის რაიონის ტერიტორიაზე I, II, III, IV კატეგორიის ხმელი, ზეხმელი და ავარიული ხეების მოჭრის და მათი დამუშავება-გატანის, ხეების სანიტარულ-ფორმირებადი მოჭრის და მათი დამუშავება-გატანის, ასევე მოტეხილი და მოთხრილი ხეების დამუშავება-გატანის, კუნძების ამოძირკვა-გატანის, ტერიტორიის გათიბვის, ა/ტრანსპორტზე დატვირთვის და გატანის და ხეების ამოძირკვის შედეგად დარჩენილი ორმოების მიწით ამოვსების მომსახურება.

შენიშვნა: აღნიშნული ხორციელდება ქალაქ თბილისის მუნიციპალიტეტის საკრებულოს 2014 წლის 12 დეკემბრის N17-55 დაგენილების „ქ. თბილისის მუნიციპალიტეტის ტერიტორიაზე მწვანე ნარგავების დაცვის, მოვლისა და აღდგენის წესის დამტკიცების შესახებ“ და ამ დადგენილებაში ქალაქ თბილისის მუნიციპალიტეტის საკრებულოს 2015 წლის 27 მარტის N6-22 დადგენილებით შეტანილი ცვლილების შესაბამისად.

№	დასახელება	განზომილება	რაოდენობა
1	I კატეგორიის ხის სანიტარულ-ფორმირებადი მოჭრა, დამუშავება და გატანა	ძირი	100
2	II კატეგორიის ხის სანიტარულ-ფორმირებადი მოჭრა, დამუშავება და გატანა	ძირი	100
3	III კატეგორიის ხის სანიტარულ-ფორმირებადი მოჭრა, დამუშავება და გატანა	ძირი	100
4	ხეების კუნძების ამოძირკვა და გატანა (სიღრმით 40-70 სმ)	ცალი	150
5	ხეების ამოძირკვის შედეგად დარჩენილი ორმოების მიწით ამოვსება	მ ³	30
6	მოტეხილი და მოთხრილი ხეების დამუშავება და გატანა	ცალი	10
7	ტერიტორიის გათიბვა, ა/ტრანსპორტზე დატვირთვა და გატანა	მ ²	100000
8	I კატეგორიის ხის მოჭრა, დამუშავება და გატანა	ძირი	30
9	II კატეგორიის ხის მოჭრა, დამუშავება და გატანა	ძირი	30
10	III კატეგორიის ხის მოჭრა, დამუშავება და გატანა	ძირი	30
11	IV კატეგორიის ხის მოჭრა, დამუშავება და გატანა	ძირი	30

ხის კატეგორიები განისაზღვრება შემდეგნაირად:

I კატეგორიის ხე - 10 მეტრამდე ხე-მცენარე;

II კატეგორიის ხე - 10-დან 21 მეტრამდე ხე-ცენარე;

III კატეგორიის ხე - 21 მეტრი და მასზე ზევით ხე-მცენარე;

IV კატეგორიის ხე - 10 მეტრი და მასზე ზევით ხე-მცენარე ტექნიკისათვის მიუდგომელ პირობებში.

2.1.2 მოცემული რაოდენობები არის საგარეუდო, ხელშეკრულების მოქმედების პერიოდში შესაძლებელია შეიცვალოს მოთხოვნის შესაბამისად და დაზუსტდეს ფაქტიური შესრულების მიხედვით, ერთულის ფასის და ხელშეკრულების საერთო ღირებულების შეუცვლელად.

2.1.3 ხეების მოჭრის მომსახურების გაწევამდე (ფორს-მაჟორული შემთხვევების გარდა) შემსყიდველის მიერ შესწავლილი იქნება თითოეული ხის მდგომარეობა ქ. თბილისის მუნიციპალიტეტის მერიის ეკოლოგიის და გამწვანების საქალაქო სამსახურის წარმომადგენელთან ერთად. მომსახურება განხორციელდება შესაბამისი თანხმობის საფუძველზე.

2.1.4 მომსახურების დროს არ უნდა მოხდეს მცენარეების, შენობა-ნაგებობების ან სხვა საგნების დაზიანება; დაზიანების შემთხვევაში მიმწოდებელი ვალდებულია დაუყოვნებლივ აცნობოს აღნიშნულის შესახებ ტექ. ზედამხედველს და შესაბამის ორგანოებს, ზარალი ანაზღაურდება მიმწოდებლის მიერ.

2.1.5 ყოველ კონკრეტულ ობიექტზე სამუშაო ადგილი უნდა შემოიფარგლოს თვალსაჩინო ნიშნებით (ზოლიანი ბაბთა ან ზონარი), მომსახურების დასრულების შემდეგ მიმწოდებელი

ვალდებულია საკუთარი სახსრებით ერთი დღის ვადაში გაანთავისუფლოს სამუშაო ადგილი მომსახურების შედეგად წარმოქმნილი ნარჩენებისაგან.

2.1.6 მიმწოდებელმა უნდა უზრუნველყოს მოჭრილი (მოტეხილ/მოთხრილი) ხეების დაჭრა კოტრებათ (ზომით არაუმეტეს 40-50 სმ) და დარიგება შემსყიდველის მიერ მითითებულ მისამართებზე საკუთარი ხარჯებით. საჭიროების შემთხვევაში შემსყიდველთან შეთანხმებით, შესაძლებელია მოჭრილი ხეების დასაწყობება მიმწოდებლის მიერ შემოთავაზებულ სასაწყობე ტერიტორიაზე (შემდგომი გატანით შემსყიდველის მიერ მითითებულ მისამართებზე).

2.1.7 კონკრეტული დავალებები და მისამართები მიმწოდებელს გადაეცემა შემსყიდველის მიერ. დაუშვებელია შესყიდვის ობიექტის მიწოდება შემსყიდველის მიერ გაცემული დავალების გარეშე, ამ შემთხვევაში მიმწოდებელს გაწეული ხარჯი არ აუნაზღაურდება.

2.1.8 მიმწოდებელი ვალდებულია შემსყიდველის მოთხოვნის შემთხვევაში ერთდროულად იმუშაოს მინიმუმ 3 (სამი) მუშა-ბრიგადით (ფორს-მაჟორის შემთხვევაში 24 საათიანი სამუშაო გრაფიკით), თითოეული მინიმუმ 4-კაციანი შემადგენლობით, რომელიც აღჭურვილი იქნება მინიმალური მატერიალურ-ტექნიკური ბაზით.

2.2 მატერიალურ-ტექნიკური ბაზა:

პრეტენდენტს საკუთრებაში ან/და სარგებლობაში უნდა გააჩნდეს შემდეგი მინიმალური მატერიალურ-ტექნიკური ბაზა და აღჭურვილობა:

1	სპეციალიზირებული ამწე კალათი არანაკლებ სამუშაო სიმაღლით 20 მეტრი	2 ერთეული
2	სპეციალიზირებული ამწე კალათი არანაკლებ სამუშაო სიმაღლით 22 მეტრი	1 ერთეული
3	სატვირთო მანქანა არანაკლებ 4 კუბური მეტრის ტევადობით	2 ერთეული
4	საჭრელი ბენზოხერხი	4 ერთეული
5	კუნძების ამოსაღები სპეც-ტექნიკა	1 ერთეული

აღნიშნული ინფორმაცია წარმოდგენილი უნდა იქნეს დანართი N3-ის მიხედვით, სარგებლობის უფლების დამადასტურებელი დოკუმენტები (საკუთრების შემთხვევაში საკუთრების დამადასტურებელი დოკუმენტები, მოძრავ ტექნიკაზე ტრანსპორტის სარეგისტრაციო მოწმობები, იჯარის შემთხვევაში საიჯარო ხელშეკრულება და მესაკუთრის საკუთრების დამადასტურებელი დოკუმენტები) ატვირთული უნდა იქნეს სატენდერო წინადადებასთან ერთად. იჯარის შემთხვევაში საიჯარო ხელშეკრულებით განსაზღვრული მანქანა-მექანიზმების ვადა არ უნდა იყოს ნაკლები სატენდერო დოკუმენტაციით გათვალისწინებული მომსახურების დასრულების ვადაზე. ყველა ზემოთ ჩამოთვლილი ტექნიკა და აღჭურვილობა უნდა იყოს ტექნიკურად გამართული.

2.3. მოთხოვნები გამოცდილების შესახებ:

პრეტენდენტის მიერ 2014 წლის 1 იანვრიდან გაწეული ანალოგიური მომსახურების (ქალაქში ან/და ქალაქის ტიპის დასახლებაში ხეების მოჭრა-ფორმირება-დამუშავების) საერთო ღირებულება არ უნდა იყოს 150 000 ლარზე ნაკლები. აღნიშნული ინფორმაცია წარმოდგენილი უნდა იქნეს დანართი N4-ის შესაბამისად.

2.4. მიწოდების ვადა და ადგილი:

2.4.1. შესყიდვის ობიექტის მიწოდება მოხდება ეტაპობრივად, შემსყიდველის მიერ გაცემული დავალებების შესაბამისად. მომსახურების გაწევის ვადაა ხელშეკრულების გაფორმებიდან **2016 წლის 30 დეკემბრის ჩათვლით.**

2.4.2. მიწოდების ადგილი – ქ. თბილისი, მთაწმინდის რაიონის ტერიტორია.

2.5. სატენდერო წინადადების ფასი

2.5.1. სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.5. 2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

2.6. ანგარიშსწორების პირობები:

2.6.1. ანგარიშსწორება მოხდება უნაღდო ანგარიშსწორებით ლარში.

2.6.2. ანგარიშსწორება მოხდება ადგილობრივი ბიუჯეტის სახსრებით, ეტაპობრივად, მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში.

2.7. დამატებითი ინფორმაცია:

2.7.1. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

2.7.2. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის საფუძველზე: ქ. თბილისი, მთაწმინდის რაიონის გამგეობა, ძმ. ზუბალაშვილების ქ. N48, სატენდერო კომისიის აპარატის წევრი - დავით კასრაძე. ტელ: 237 29 83; 577 15 88 38. ელ. ფოსტა. d.kasradze@tbilisi.gov.ge, ტექნიკურ საკითხებთან დაკავშირებით: ინფრასტრუქტურული პროექტების მართვისა და პროექტირების განყოფილების უფროსი - გრიგოლ ტულუში, ტელ: 599 90 67 13.

2.8. პრეტენდენტის მიერ ერთიან ელექტრონულ სისტემაში ასატვირთი მონაცემები:

2.8.1. პრეტენდენტის რეკვიზიტები დანართი N1-ს შესაბამისად;

2.8.2. ფასების ცხრილი დანართი N2-ს შესაბამისად;

2.8.3. ინფორმაცია მატერიალურ-ტექნიკური ბაზის შესახებ დანართი N3-ს შესაბამისად.

2.8.4. ინფორმაცია პრეტენდენტის გამოცდილების თაობაზე დანართი N4-ს შესაბამისად.

• პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას რომელიც აღწერილია სატენდერო დოკუმენტაციაში.

7. ხელშეკრულება სახელმწიფო შესყიდვის შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ქ. თბილისი

თარიღი

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მთაწმინდის რაიონის გამგეობა (შემდგომში – შემსყიდველი), წარმოდგენილი გამგებლის - გელა არჩვაძის სახით და, მეორეს მხრივ, ----- (შემდგომში მიმწოდებელი), წარმოდგენილი ---- სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

**2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება, ხელშეკრულების ძალაში შესვლა და მოქმედების ვადა**

2.1 ხელშეკრულების (შესყიდვის) ობიექტია - ქ.თბილისის მთაწმინდის რაიონის ტერიტორიაზე I, II, III, IV კატეგორიის ხმელი, ზეხმელი და ავარიული ხეების მოჭრის და მათი დამუშავება - გატანის, ხეების სანიტარულ-ფორმირებადი მოჭრის და მათი დამუშავება-გატანის, ასევე მოტეხილი და მოთხრილი ხეების დამუშავება-გატანის, კუნძების ამოძირკვა-გატანის, ტერიტორიის გათიბვის, ა/ტრანსპორტზე დატვირთვის და გატანის და ხეების ამოძირკვის შედეგად დარჩენილი ორმოების მიწით ამოვსების მომსახურების გაწევა, რომელიც განსაზღვრულია მიმწოდებლის მიერ წარმოდგენილი ფასების ცხრილით, თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება – გამარტივებული ელექტრონული ტენდერი.

2.3 ელექტრონული ტენდერის განცხადების ნომერი -----.

2.4 ხელშეკრულების ღირებულება შეადგენს ---- ლარს, ყველა გადასახადის ჩათვლით.

2.5 კლასიფიკატორის კოდი - 77211000

2.6 ხელშეკრულება ძალაში შედის გაფორმებისთანავე და მოქმედებს 2017 წლის 31 იანვრის ჩათვლით.

3. მომსახურების გაწევის პირობები

3.1 შესყიდვის ობიექტის მიწოდება მოხდება ეტაპობრივად, შემსყიდველის მიერ გაცემული დავალებების შესაბამისად. მიწოდების საბოლოო ვადაა 2016 წლის 30 დეკემბერი.

3.2 მიწოდების ადგილი – ქ. თბილისი, მთაწმინდის რაიონის ტერიტორია.

3.3 ხელშეკრულებაში მოცემული რაოდენობები არის სავარაუდო, ხელშეკრულების მოქმედების პერიოდში შესაძლებელია შეიცვალოს მოთხოვნის შესაბამისად და დაზუსტდეს ფაქტიური შესრულების მიხედვით, ერთულის ფასის და ხელშეკრულების საერთო ღირებულების შეუცვლელად.

3.4 ხეების მოჭრის მომსახურების გაწევამდე (ფორს-მაჟორული შემთხვევების გარდა) შემსყიდველის მიერ შესწავლილი იქნება თითოეული ხის მდგომარეობა ქ. თბილისის მუნიციპალიტეტის მერიის ეკოლოგიის და გამწვანების საქალაქო სამსახურის წარმომადგენელთან ერთად. მომსახურება განხორციელდება შესაბამისი თანხმობის საფუძველზე.

3.5 ყოველ კონკრეტულ ობიექტზე სამუშაო ადგილი უნდა შემოიფარგლოს თვალსაჩინო ნიშნებით (ზოლიანი ბაბთა ან ზონარი), მომსახურების დასრულების შემდეგ მიმწოდებელი ვალდებულია საკუთარი სახსრებით ერთი დღის ვადაში გაათავისუფლოს სამუშაო ადგილი მომსახურების შედეგად წარმოქმნილი ნარჩენებისაგან.

3.6 მიმწოდებელმა უნდა უზრუნველყოს მოჭრილი (მოტეხილ/მოთხრილი) ხეების დაჭრა კოტრებად (ზომით არაუმეტეს 40-50 სმ) და დარიგება შემსყიდველის მიერ მითითებულ მისამართებზე საკუთარი ხარჯებით. საჭიროების შემთხვევაში შემსყიდველთან შეთანხმებით, შესაძლებელია მოჭრილი ხეების დასაწყობება მიმწოდებლის მიერ შემოთავაზებულ სასაწყობე ტერიტორიაზე (შემდგომი გატანით შემსყიდველის მიერ მითითებულ მისამართებზე).

3.7 კონკრეტული დავალებები და მისამართები მიმწოდებელს გადაეცემა შემსყიდველის მიერ. დაუშვებელია შესყიდვის ობიექტის მიწოდება შემსყიდველის მიერ გაცემული დავალების გარეშე, ამ შემთხვევაში მიმწოდებელს გაწეული ხარჯი არ აუნაზღაურდება.

3.8 მიმწოდებელი ვალდებულია შემსყიდველის მოთხოვნის შემთხვევაში ერთდროულად იმუშაოს მინიმუმ 3 (სამი) მუშა-ბრიგადით (ფორს-მაჟორის შემთხვევაში 24 საათიანი სამუშაო გრაფიკით), თითოეული მინიმუმ 4-კაციანი შემადგენლობით, რომელიც აღჭურვილი იქნება მინიმალური მატერიალურ-ტექნიკური ბაზით.

4. შესყიდვის ობიექტის ხარისხი

4.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

4.2 მომსახურების დროს არ უნდა მოხდეს მცენარეების, შენობა-ნაგებობების ან სხვა საგნების დაზიანება; დაზიანების შემთხვევაში მიმწოდებელი ვალდებულია დაუყოვნებლივ აცნობოს აღნიშნულის შესახებ ტექ.ზედამხედველს და შესაბამის ორგანოებს, მიმწოდებელს დაეკისრება, როგორც ზიანის აღმოფხვრა, ასევე აღნიშნულის შედეგად შემსყიდველისა და მესამე პირებისათვის მიყენებული ზიანის ანაზღაურება.

5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მთაწმინდის რაიონის გამგეობის მიერ განსაზღვრული უფლებამოსილი პირები.

5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

5.4 იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-5 მუხლის 5.2 პუნქტში მითითებული პირები.

6.3 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება ადგილობრივი ბიუჯეტის სახსრებით ეტაპობრივად, მიღება-ჩაბარების აქტის გაფორმებიდან 10 (ათი) სამუშაო დღის ვადაში.

7.3 მიმწოდებელზე პირგასამტეხლოს დაკისრების შემთხვევაში შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე დაკისრებული პირგასამტეხლოს გადახდის შემდეგ.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 მიმწოდებელი იღებს ვალდებულებას შესყიდვის ობიექტის (ნაწილის) მიწოდების ვადის დარღვევის შემთხვევაში გადაუხადოს პირგასამტეხლო შემსყიდველს ხელშეკრულების საერთო ღირებულების 0,1%-ის ოდენობით ყოველ გადაგადაცილებულ დღეზე.

8.3 შესყიდვის ობიექტის (ნაწილის) მიწოდების ვადის 15 (თხუთმეტი) კალენდარულ დღეზე მეტი ვადით გადაცილების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება, რაც გამოიწვევს მიმწოდებლის დაჯარიმებას ხელშეკრულების საერთო ღირებულების 5%-ის ოდენობით და ხელშეკრულება ჩაითვლება შეუსრულებლად.

8.4 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

8.5 ხელშეკრულების 7.2 პუნქტის მოთხოვნის დარღვევის შემთხვევაში, მიმწოდებელს უფლება აქვს მოთხოვოს შემსყიდველს პირგასამტეხლო ჩასარიცხი თანხის 0,5%-ის ოდენობით, ყოველ გადაგადაცილებულ დღეზე, გარდა იმ შემთხვევისა, როდესაც ეს მოხდა შემსყიდველისაგან დამოუკიდებელი მიზეზით.

8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ, შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) მხარეთა ურთიერთშეთანხმებით;

დ) საქართველოს კანონმდებლობით გათვალისწინებულ სხვა შემთხვევებში.

9.6 ამ მუხლის 9.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება, მიმწოდებლისათვის დაკისრებული პირგასამტეხლოს თანხის გადახდის შემდეგ;

9.7 ხელშეკრულების შეწყვეტა შესაძლებელია აგრეთვე მხარეთა ურთიერთშეთანხმებით, საქართველოს კანონმდებლობით გათვალისწინებული პირობებით.

10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. უსაფრთხოება და გარემოს დაცვა

11.1 მიმწოდებელმა მომსახურების გაწევის დროს საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

11.2 მიმწოდებელმა უნდა უზრუნველყოს მუშაობით გამოწვეული ხმაურის, ვიბრაციის და მტვრის გავლენის მინიმუმადე დაყვანა.

11.4 მიმწოდებელი ვალდებულია დაიცვას საქართველოში მოქმედი კანონმდებლობით დადგენილი უსაფრთხოების ნორმები. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა.

11.5 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

12. ხელშეკრულებაში ცვლილებების შეტანა

12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

13. უფლებების გადაცემა

13.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

14. ღირებულების შეცვლის პირობები

14.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

14.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

14.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

15. ურთიერთობა ხელშეკრულების დამდებ მხარეებს შორის

15.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

15.2 შეტყობინება შედის ძალაში ადრესატის მიერ მისი მიღების დღეს.

16. სადაო საკითხების გადაწყვეტა

16.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

16.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

16.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

16.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. სხვა პირობები

17.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

17.2. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

18. მხარეთა იურიდიული რეკვიზიტები

შემსყიდველი:

მიმწოდებელი:

ქ. თბილისის მუნიციპალიტეტის
მთაწმინდის რაიონის გამგეობა
ს/კოდი: 204521954
მის: ძმ. ზუბალაშვილების ქ. №48
ხაზინის ერთიანი ანგარიში
სახელმწიფო ხაზინა
ბანკის კოდი TRESGE22

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი, თანამდებობა:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში
შემოთავაზებული სატენდერო წინადადების ფასი:

გასაწევი მომსახურების
ფასების ცხრილი

№	სამუშაოს დასახელება	განზომილება	რაოდენობა	ერთეულის ღირებულება (ლარი)	სულ ჯამი (ლარი)
1.	I კატეგორიის ხის სანიტარულ-ფორმირებადი მოჭრა, დამუშავება და გატანა	ძირი	100		
2.	II კატეგორიის ხის სანიტარულ-ფორმირებადი მოჭრა, დამუშავება და გატანა	ძირი	100		
3.	III კატეგორიის ხის სანიტარულ-ფორმირებადი მოჭრა, დამუშავება და გატანა	ძირი	100		
4.	ხეების კუნძების ამოძირკვა და გატანა (სიღრმით 40-70 სმ)	ცალი	150		
5.	ხეების ამოძირკვის შედეგად დარჩენილი ორმოების მიწით ამოვსება	მ³	30		
6.	მოტეხილი და მოთხრილი ხეების დამუშავება და გატანა	ცალი	10		
7.	ტერიტორიის გათიბვა, ა/ტრანსპორტზე დატვირთვა და გატანა	მ²	100000		
8.	I კატეგორიის ხის მოჭრა, დამუშავება და გატანა	ძირი	30		
9.	II კატეგორიის ხის მოჭრა, დამუშავება და გატანა	ძირი	30		
10.	III კატეგორიის ხის მოჭრა, დამუშავება და გატანა	ძირი	30		
11.	IV კატეგორიის ხის მოჭრა, დამუშავება და გატანა	ძირი	30		
	სულ :	ლარი			
	ზედნადები ხარჯები	%			
	სულ :	ლარი			
	მოგება	%			
	სულ :	ლარი			
	დ ღ გ	%	18,0		
	სულ :	ლარი			

შენიშვნა: სატენდერო წინადადების ფასში პრეტენდენტმა უნდა გაითვალისწინოს მომსახურების გაწევასთან დაკავშირებული ყველა ხარჯი ტრანსპორტირების და კანონმდებლობით გათვალისწინებულ გადასახადები

**ინფორმაცია
მატერიალურ-ტექნიკური ბაზის შესახებ**

	მატერიალურ-ტექნიკური ბაზის დასახელება	აღწერილობა (მოდელი, ასაკი)	რაოდენობა	საკუთარი, იჯარით აღებული
1				
2				
3				
.				
.				
.				

- სარგებლობის უფლების დამადასტურებელი დოკუმენტები (საკუთრების შემთხვევაში საკუთრების დამადასტურებელი დოკუმენტები, მოძრავ ტექნიკაზე ტრანსპორტის სარეგისტრაციო მოწმობები, იჯარის შემთხვევაში საიჯარო ხელშეკრულება) ატვირთული უნდა იქნეს სატენდერო წინადადებასთან ერთად. იჯარის შემთხვევაში საიჯარო ხელშეკრულებით განსაზღვრული მანქანა-მექანიზმების ვადა არ უნდა იყოს ნაკლები სატენდერო დოკუმენტაციით გათვალისწინებული მომსახურების დასრულების ვადაზე.
- ყველა ზემოთ ჩამოთვლილი ტექნიკა და აღჭურვილობა უნდა იყოს ტექნიკურად გამართული.

ინფორმაცია

პრეტენდენტის მიერ განხორციელებული
ანალოგიური მიწოდების თაობაზე

N	მომსახურების დასახელება	შემსყიდველის დასახელება და სატენდერო განცხადების (SPA) ნომერი	მომსახურების გაწევის დრო (წელი)	გაწეული მომსახურების ღირებულება (ლარი)
	სულ:			

შენიშვნა:

- პრეტენდენტს 2014 წლის 1 იანვრიდან უნდა გააჩნდეს მინიმუმ 150 000 ლარის ანალოგიური მომსახურების (ქალაქში ან/და ქალაქის ტიპის დასახლებაში ხეების მოჭრა-ფორმირება-დამუშავების) გაწევის გამოცდილება. აღნიშნული ინფორმაცია მოცემული უნდა იყოს წინამდებარე ცხრილში, რომელიც სატენდერო წინადადებასთან ერთად ატვირთული უნდა იქნას ერთიან ელექტრონულ სისტემაში.
- თუ აღნიშნული მომსახურება არ განხორციელებულა სახელმწიფო შესყიდვების ერთიანი ელექტრონული სისტემის გამოყენებით, ამ შემთხვევაში უნდა აიტვირთოს გაწეული მომსახურების დამადასტურებელი საბუთი.